

Торгън нооста хөөдиг цааранднь өскхин төлө

Би эн джилин майин 3 д эврәннь гарсн-төрсн газрун брк-бүлтэгъән нуудж ирлөв

Юстинск района „Северный“ совхозин 2-ч номертә фермд нуудж ирснә хөөн фермин залгч ур И. М. Долгов бийурн дууддж авад, хөөч болхмч, гидж келв. Тегәд май сарин 6-д, 2-ч фермин 21-ч номертә отар гар деерән авв.

Фермин малин эмч ур Микулаев болн зоотехник ур Иванов хойр мини хәләджәх отарт ирдж, отарас 158 толгъа көгшн, шүдн уга хөд илгьдж авб. Энүнә хөөн көгшн, шүдн уга хөд мини отарт цань чигн дала улдв.

Болв, тиим хөд бий деерән даадж авсн бийнь, тедниг арднь орад, идгин сәәнәр хәрүләд, цаглань услад йовсна ашд,

хөөдин чинәнъ йир сән болдж гарв.

Одахн фермин малин эмч болн зоотехник мини отарт ирдж, бдгә цагт малд элвгәр хот белдлгън—мал өсклгънә гол төр болджахин тускар келцхәв. Би тегәд, хөөч болдж көдлджәх эврәннь көвүгъән өвс белдлгънә көдлмшт йовулв. Эврән бийм хөд үвлзх хаша-хаац дотркинь бог-шегәснь цеврлджәнәв.

Мини бәәдл-джиргълд дуту-дундс бәәдг болв чигн, терүнәс аәджәхшв, олна мал-агърусиг улм цааранднь өскхин төлө күчн-чидлән хәәрлл уга көдлхүв гидж ицджәнәв.

БАДМАЕВ Дордж,

„Северный“ совхозин 2-ч фермин ах хөөч.